

佛遊縣志

第廿八至卅三卷

僊遊縣志卷之二十八

職官志

名宦

曹風謨亦帶而周人偏愛細衣所以過峴山而嘆息念羊舌以低徊澤布及民碑斯在日官以人傳
自昔然矣若乃一命之士存心利物乎通之結微爾在公職有崇卑忠無大小茲擇其有神於已
者記著於篇庶幾有秋棠祀長懷而哲之隨聲想豆不疏之樹後人之政鵠云
五代

賈郁字正文侯官人國工部知縣補縣令時郡縣令多受賕郁守正奉法有以新案饋
者却不受其廉介類此陸贄也名入焉又代去一吏醜酒郁曰使吾再任必懲之吏浸懼已公
若再來猶懲恐辱耳會延之赴勸南都左治權權授善太夫傳典舊縣醉吏適以庫錢獻其
曰尊銅銘以潤家非因鼓鑄也鑄船而渡海不假鑄錢遂抵決水艤移在福清君爲御史中
宋

咸平五年以在任時遷建官于邑南獲三福圖作七十賢像扶風教讀士

類人才益盛

凌景陽尉縣時嘗出近郊道土攜二童子景陽見其氣度不凡問之對曰農家子也約旦日攜至官廨授以經學秩滿去囑方寸置郡學中後皆擢高第位通顯二子卽蔡忠惠襄與弟高也

謝天民字彥先建安人紹興十年以左承事郎知縣事先是宣和末劉龍養士學舍鞠爲蔬畦地入豪家邑糾陳可大捐修未成適天民至追復故地以前供縣宇錢二百萬繼成之又得貢官田舍錢五十四萬置學田二十五畝以備修葺

鄭昭叔字顯仲寧德人紹興十五年以右通德郎來知縣事誠心愛民爲政必先自反時行經界法初得戶部事目條佐吏更亟請施行昭叔曰已尚未曉何以使人覃思旬日集同官商確定至保正長取丁土產富人分爲二等大者以備都副保正小者以備大保長各以紙籤簿書其姓名分置兩帖又於兩帖各分四類或物力高強或人丁衆盛或才智足任經畫或筋力可備走使各以其類置於一帖凡造一都一保必兼取四色人吏之同事令各出所長以相協濟衆皆悅服相率就事差役既定然後以戶部事目給之又爲說其大意凡有所疑恣其請問詳爲解說如是者五六日凡爲保正長者悉曉其法然後散遣兩月之內他邑差役未定而僭邑已有次第矣朱文公守漳日嘗備錄其說以示屬部

周椿年字春卿浦城人轉運使因之子以蔭補官紹興十六年以右通直郎來知縣事歲飢捐賑民賴以活弭盜決獄稱良吏焉

趙不敏安懿王四世孫以近屬賜名累官至忠訓郎補惠安尉尋以捕盜功改右承務郎紹興三十年來知縣事每去一弊籌之終夕竟以此得病爲政不煩追呼不費鞭朴適凋弊之餘事方就緒而疾作遂不起矣嘗集文爲一編乃曰此正空言要之寬猛先後惟所用之耳既葬艾軒林光朝識其墓

趙公綱字仲鎮建寧人乾道四年以左奉議郎來知縣事蒞政公明民不能欺修治學校墾田三百餘畝以助學廩文風以振

葉文炳浦城人少從朱晦翁遊嘉定四年以奉議郎來知縣事持已敬臨民時耆舊咸以慈惠儒雅稱之

莊夢說字應求泉州人嘉定七年以迪功郎任縣尉究心職業吏民畏服探前尉姓氏授邑紳陳謙紀其事歷官大理寺簿郎子彌約授大州通判因父遺愛在僊於景炎二年遷居焉建祠亦一在莊亦一在霞霄墓仍在泉

本傳字嘉肖泉州人淳祐元年以宣教郎來知縣事首興學校增學廩勸農桑僊民懷之秩滿除

登聞鼓院兼大小王宮教諭尋除監察御史太常少卿黃未軒稱其識爲政先後得西銘之旨
趙興之宋宗室寶祐二年以奉議郎知縣事朴遯如韋布以敦本明倫爲教子母訟者與泌酒泣
出孝經口授之皆悔悟去卓得慶稱其修己治人學有本領

黃巖孫字景傳泉州人寶祐二年以進功郎來尉興學校講水利建橋梁時有鄙其職卑事俗者作
思賢堂記以見志纂僊谿志一十五卷秋滿爲潮陽教授宏治志稱其自敘論財賦一段謂爲知
所取舍郭志稱其去取有古良吏風

元

李約字審初廬陵人初任興化府經歷爲政喜直民冤會僊民苦馬令驚悍有陳一壺者糾黨焚官
署馬趣匿山澤中約奉檄來捕縛一壺置檻車縣境帖然因檄約攝縣事馬恚甚令人數投砂礫
爲夜驚約戒毋妄應時邑旱約徒步禱雨龍湫忽遭疾歸尋逝薄暮民髣髴見約乘白馬揚青旂
入城隍廟中後馬同其黨五人詣廟見約據案坐色毅然驚怖而出五八皆暴卒馬馳歸爲蔽遮
刺郭門外郡志載其禱雨歸具湯沐正衣冠告子曰今日午時予逝矣所乘馬垂首下淚若怨思
狀云

明

顧思敬崇德人洪武十一年由監生知縣事公勤恤民歲歉罄資囊易穀賑之凡學宮廨壇以次鼎新

王彝字友倫四明人宣德八年由都事知縣事時民苦賦逋亡彝給牛具種粒招復之募人墾荒三年乃徵亡戶糧貽累者疏免其半楓巡檢遷小嶼民兵赴役不慣風濤死亡過半疏請就近募克內臣過楓非法責供彝於近驛閉戶偃木笞之俾應杖叫號聲徹驛堂內臣問故詭答曰縣官杖催夫價也惻然諭止去又疏割附驛莆地以編數較里圖攤役民困始紓先是差使多索賄名草屨錢彝欲杜其求置草屨給之自是庭無使跡卒塑像祀東關

黃諤字聲叔莆田人宣德八年以明經司訓敦氣誼重然諾知縣王彝積清俸百金寄諤既沒無有知者諤呼還其子歷無錫麗水陞諭廣元皆有教澤

張侗字愿夫南昌人宣德九年由潮陽訓導諤明經學嚴條約以禮義廉恥誨諸生雖盛寒暑肅冠服端坐竟日坐立起居動有繩尺九載無異度

蕭宏魯字晉明廬陵人正德十五年由進士知縣事創書院置學田山寇猝至薄邑境宏魯區畫戰守密賊從閒道遁已而兵變持刀攫市物宏魯悉置之法嘉靖五年奏請寺田給民壯工食
擢知儋州士民立石留思於東關道左

廖鏐字大器雷州人以吏員銓考優等正德末任典史謙抑誠篤服食儉約爲政不擾嘉靖癸未觀同適山寇薄邑廖鏐率兵往禦寇不敢近初寇至輕視山城有一賊酋持赤幟豎溪傍裸浴水中廖鏐徑奪其幟以巨石擲中賊顛賊浮水從他岸逸每出捕輒草履走上下山若飛卽健卒不能從也與知縣蕭宏魯參畫戰守機宜賊遁去巡按獎其供職勤而能守遇賊勇而知義丙戌再覲卒於京喪還士民迎奠哀誄立碑塑像配王彝

雷禮字必進豐城人嘉靖十三年以郡節推署縣篆博雅多才獎拔士類平反疑獄老吏不如後補太平郡以異等入爲天曹郎累遷至大司空

章煥字文明常熟人嘉靖十七年由歲貢諭倡整文廟凡明倫堂廡齋舍及祭器樂器悉捐俸修之潘忠松江人嘉靖三十二年由舉人知縣事澹泊精敏嘗有達官與忠有平生交請廢剝田數百畝持不與其人徑請之當道牒縣予之忠具條不可狀事遂寢訟簡政寬民安之任滿擢南京大理寺評事

陳大有廣東南海人嘉靖四十二年由舉人知縣事時倭寇四千餘乘破莆餘焰從寧海閒道直薄城下邑西叛民附之舒肘環城者三匠人惶恐思遁大有諭衆曰吾誓與此城存亡敢緹垣者斬乃明賞罰嚴部伍攜二家僮宿南城樓晝則傳餐夜不帖席一僮名陳二爲賊射殺公無懾志益

發帑殺賊者重賞爲賊殺者之賻士卒競奮復重修土城外設木柵簡閱精銳爲游兵巡邏城下賊來則堅劄土城內以游兵左右協擊城上矢石佐之閒縫死士乘賊息而斫其營又造流星飛鈎而賊之竹牌雲梯輕爲所絀賊造呂公車攻城大有度車所經地潛插松椿設土穴車至輒覆賊驚却前後相持積五十餘日百姓救死扶傷終無離志威繼光兵至賊敗散城得以全兩臺交疏紀功士民爲刻保障殊勳錄云。

關玉成南海人隆慶元年由舉人知縣事性至孝清介自持精書法以催科不辦調邑人思之立碑東渡走馬山麓

殷宗器歙縣人萬歷三十六年由進士簡授郡節推來署縣事捐置學田爲諸生課膳後陞吏部驗封司主事

顏佐進賢人萬歷三十七年由舉人知縣事仁厚愛民修坊表建東山塔置學租三十四石以資寒士卒於官祠祀明倫堂門右

徐觀復號一我上虞人萬歷四十一年以進士知縣事端士行正風俗興利剔弊每朔望詣明倫堂與之生討論經義設社學擇文行可師者任之僊鹽原無商萬歷三年有奸徒爲總充小賞名目以觀後曰莆僊均也莆無商而僊獨有乎查稅額以四六攤之又於龍華寺審出佃隱田

畝除納糧外以剩者抵輸鹽課民得食鹽利秩未滿調去民立祠祀於龍門之左

清

孫之屏字獻卿遼東復州衛人順治初以隨征知縣事練鄉兵固城守力復府庠倡置常平義田租千餘石備荒歉又置義學田四畝零爲膏火資陞歸德府同知

鄭煥字哲修號蓉菴侯官人順治九年由舉人任教諭修文廟造祭器建尊經閣整明倫堂十二年分守道蘇宏祖重修僊城命煥總理捐置東渡溪義渡租勒碑東關外後陞漳州府教授轉戶部司務遷主事祠祀聖廟東匾曰文在堂

陳有虞字嗣昭富平人以進士知縣事順治十一年十二月鄭成功遣其黨林勝等海城有虞嚴守禦夜縋鄉壯擊賊圍益急援兵不至明年正月五日賊於城東南角暗穿地窖埋火藥藥發城陷有虞單騎巷戰身受重傷至城下拱橋馬蹶死於橋側士民哀之祀東關外報恩堂

沈顯卿順治十一年任典史適鄭成功遣將圍城顯卿操囊韞參謀畫身歷勤苦明年城陷知縣陳有虞都司王家楨同日死之

白彥良號淳菴武進人康熙間由進士知縣事爲人端方正直肅蒞任卽以敦教化課農桑爲事縣署舊扁曰巖邑彥良謂士秀民淳易治之邦何云巖也卽撤去後陞乾州知州以貧故無費司吏

遲之卒於省邑仁德里林天德者曾縣試彥良拔列第二至是年七十餘矣夜夢城隍召至案前則峨冠端坐者固彥良也且責以入泮天德未喻命取前卷示之卷皆蠹蝕天德覺異之勉應試遂入泮又有西鄉民唆弟控兄詣廟焚詞其弟歸忽言白爺爺差至即昏去四更後復甦云白公以余不弟被責放回唆者不赦明旦兩股痛楚詢唆者果暴卒矣

陳嘉璧字以安侯官人康熙五十六年諭僊庠德行文章足以楷模多士新祭器茸明倫堂倡建尊經閣闢文廟後久塞故道甫六載以外艱歸紳士立石於明倫堂之左以誌弗諼

附載興化縣職官名宦

按興化縣與莆田僊遊分爲三縣始置於宋太宗太平興國四年即游洋百丈一鎮立縣至明正統十三年裁去其地分轄莆僊兩縣其職官有政蹟者照未裁前編入已祀名宦者即於政蹟下註明以便稽考

知縣

宋

段鵬京兆人太平興國四年知縣事尋加著作郎擢知興化軍兼領縣事蹟載府志

記名

許世昌清白有惠政

記名

張彥博嘉祐間任有吏才而寬以運之

宣記名

邱鐸溫州人紹興間任愛民好士去後爲之立祠

宣記名

曹勳應天人紹興間任與邱鐸並稱賢尹

宣記名

黃逸晉江人紹興間任本至誠崇尚學校

陸楠三山人紹興三十二年任林光朝豐登樓記稱隆興二年旱楠爲民禱雨不張蓋不揮箠赤日

當空步行八十里忽然雲起甘澍通夕

梁錄處州人淳熙間任馭吏嚴愛民篤

林振福清人政事詳明不動聲色民無扞網囹圄空

宣記名

元

蔡真延祐中知縣事有德政民刻石頌之曰蔡侯作宰號稱神明不貪以昧如壺貯冰不反以側如

衡斯平田野以闢學校以興盜賊以息訟獄以清

宣記名

吳厚字德載九江人泰和間知縣事政治與蔡真齊名邑人有前蔡後吳之謠

宣記名

葉衡字仲興德興人至元三年知縣事振興學校惜士愛民及去士民立石頌之

宣記名

宋熹勞心撫字威愛兼濟

明

吳旭臨江人永樂二年由進士知縣事扶善鋤奸尤敦學校

記名

楊武曲沃人永樂四年由監生知縣事爲政平易先是本邑糧運納平海衛倉舟楫不通民甚苦之

武奏改輸本府咸感其惠

記名

縣丞

明

祝芳年玉山人洪武三十三年應求賢科來任廉謹公寬愛民勤事

記名

主簿

宋

顏師古紹興閒任時知縣黃逸有賢名師古贊之以治稱

孫招先

詞位作昭光

淳熙閒在以抗直著聞民有訟詣郡請求直於招先郡守器之

元

趙文煥字有章真定人至正中任爲政慈祥明察時有僞稱百戶巡鹽者在縣搔擾文煥按得其實

遂伏辜

縣尉

宋

葛元樵紹興閒任與主簿顏師古共勸善政

儒學教諭

明

吳源郡人洪武閒任

黃灝永樂閒任

訓導

明

趙乾

黃彥西

林棄

宋允

陳叔熙

陳質初

鄭燭俱洪武閒任

倪正正統閒任

附載平海衛學教職

按平海衛自正統五年指揮王芹奏准始立衛學蕭僊隸軍籍者入焉康熙十七年裁衛學諸生歸

併莆僊兩學其儒學職官亦曠照未裁前綱志

教授

明

周爰諮統八年任

徐珉

范璋

沈凱俱成化閒任

何鯉化州人先是師生俸糧取給軍儲疏請學倉自鯉始

胡順之

張沆

涂瀚

胡文煥

曾綸俱嘉靖閒任

林縉隆慶六年任

蔣棠

李湯臣

周養正

鄭應明

張鳳翥

陳九有

沈寶

施親臣

洪邦政舉人

吳士端

陳茂馨

葉文典

馮渠茲谿人

范文傑安吉州人

陳守邦龍溪人

訓導

明

葉雲鳳

謝琚

朱吳俱宏治閒任

葉瑞

潘槐

徐鑾

趙夔

童璞

劉琦

黃謙之

莫南彥

周繼綬

汪儼

羅經

葉天賜

唐宙

楊翬清江人高才博洽有老子註

陳宏成置祭器俱隆慶間任

余敦

董淵

史宏建

曾尙明

陳洪南

劉交修

蕭蘭廬陵人修平海衛學志創啓聖祿串請囊山租銀辦祭陞陸川知縣

林衍祚侯官人

論曰建官惟賢位事惟能苟且而就功名君子羞之彼文武並設豈不曰賢在位而能在職哉然孰得孰失考古者蓋不無涇渭之分焉口定論俟諸百年而視躬存於一日世未有圭璧其身而不膾炙自口者爾位而靖共其必從夙夜匪懈始也服官者念之哉

僊遊縣志卷之二十八終